

U skladu sa odredbama člana 90. Zakona o Javnim nabavkama ("Službeni glasnik BiH broj 39/14") i Pravilnika o utvrđivanju postupka i provođenju direktnog sporazuma Javne ustanove Prva osnovna škola Ilidža i Odluke broj: 38-724/17 od 22.12.2017.god. zaključuje se

UGOVOR
o direktnom sporazumu između

JU PRVA OSNOVNA ŠKOLA ILIDŽA sa sjedištem u Ilidži, ulica Mala aleja br.15, ID 4200158610004, (u daljem tekstu: Naručilac posla), koju zastupa direktor Čelović Arif

i
I LIGHTING D.O.O. SARAJEVO sa sjedištem u Sarajevu, ulica Zmaja od Bosne 47A, ID broj: 4201829380005 (u daljem tekstu: Isporučilac posla) koga zastupa direktor EDIN KORJENIC.

PREDMET UGOVORA

Član 1.

Predmet ovog Ugovora je nabavka i ugradnja rasvjete u sali za tjelesni odgoj Javne ustanove Prva osnovna škola Ilidža.

ODREDBE O CIJENI

Član 2.

Vrijednost nabavke za ugradnju rasvjete je **6.000,00 KM (slovima: šest hiljada KM) sa uračunatim PDV-om.**

VRIJEME TRAJANJA UGOVORA

Član 3.

Ugovor se zaključuje do 31.12.2017. godine.

OBAVEZE UGOVORNIH STRANA

Član 4.

Isporučilac posla se obavezuje da će za potrebe Naručioca posla izvršiti sljedeće poslove: dostaviti robu iz člana 1. ovog Ugovora i ugraditi rasvjetna tijela do 31. 12. 2017. godine prema narudžbama i ponuđenim cijenama sa uračunatim PDV-om.

Član 5.

Isporučilac posla se obavezuje da će naručenu robu dostavljati u sjedištu Naručioca posla, u ulici Mala aleja broj 15., Ilidža.

Član 6.

Naručilac posla se obavezuje da će Isporučiocu posla prema narudžbama i ponuđenim cijenama sa uračunatim PDV-om u roku od 15 dana izvršiti plaćanje fakture, a sve u skladu sa mogućnostima Trezora Kantona Sarajevo.

ORIGINALNOST, NOVOPROIZVEDENOST I NEKORIŠTENOST OPREME

Član 7.

Isporučilac garantuje da su rasvjetna tijela koja su predmet ovog ugovora novoproduzvedena, originalna i nekorištena. U suprotnom isporučilac preuzima sav rizik, troškove, odgovornost i prihvata povrat.

ODREDBE O RASKIDU UGOVORA

Član 8.

- Svaka od ugovornih strana može jednostrano raskinuti ugovor i prije roka određenog za njegovo ispunjenje, ako je iz okolnosti posla jasno da jedna od ugovornih strana neće moći ispuniti svoju obavezu i onda kada bilo koja ugovorna strana izjavi da svoju obavezu neće ispuniti.
- Svaka od ugovornih strana može raskinuti ugovor zbog toga što neka od ugovornih strana svoje dospjele obaveze ne ispuni ni u naknadno prihvatljivom roku za sve ugovorne strane.
- Ugovor se ne može raskinuti zbog neispunjenja neznatnog dijela obaveze. Kao neznatno neispunjenje obaveze smatraće se ono koje bitnije ne otežava ostvarivanje svrhe ovog ugovora.
- Izjava o raskidu ugovora daje se pismeno.
- Ugovorna strana koja je osnovano, jednostrano, raskinula ugovor ima pravo na naknadu štete prema opštim pravilima obligacionog prava o naknadi štete.
- Ako ugovaratelji sporazumno raskinu ugovor oni sporazumno i rješavaju sva sporna pitanja nastala raskidom ugovora.
- Ugovorne strane su saglasne da se o pitanjima koja nisu regulisana ovim ugovorom primjenjuju odredbe iz Zakona o obligacionim odnosima.

VIŠA SILA

Član 9.

Ako slučaj više sile potpuno ili djelimično spriječi izvršenje obaveze po ovom ugovoru, ugovorna strana zahvaćena slučajem više sile je obavezna da o nastanku više sile, o vrsti i o eventualnom trajanju više sile pismeno obavijesti drugu ugovornu stranu u roku od 5 (pet) dana od nastanka slučaja više sile. Ako se blagovremeno ne javi nastupanje slučaja više sile, ugovorna strana koja je pogođena tom okolnošću ne može da se poziva na nju, izuzev ako sama ta okolnost ne sprečava slanje takvog obavještenja. Okolnost više sile se dokazuje odgovarajućom dokumentacijom/dokazima izdatom/im od strane nadležnog organa.

Pod višom silom, u smislu prethodnog stava, smatraju se spoljni i vanredni događaji koji nisu postojali u vrijeme potpisivanja ugovora, koji su nastali mimo volje ugovornih strana, čije nastupanje i dejstvo ugovorne strane nisu mogle spriječiti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

Kao slučajevi više sile smatraju se sljedeći događaji: rat i ratna dejstva, pobuna, mobilizacija, štrajk u preduzećima ugovornih strana, epidemija, požar, eksplozije, saobraćajne i prirodne katastrofe, akti organa vlasti od uticaja na izvršenje obaveza i svi drugi događaji koje nadležni organ priznaje i proglasi kao slučajeve više sile.

Za vrijeme trajanja više sile obaveze Naručioca i Isporučioca po ovom Ugovoru miruju, ne primjenjuju se odredbe o ugovornoj kazni definisane članom 7. ovog Ugovora, s tim da se rok za izvršenje obaveza ugovornih strana produžava za period koji odgovara trajanju slučaja više sile i razumni rok za otklanjanje posljedica više sile.

